

## «Global Atomic Quiz» միջազգային կրթական նախագծի անցկացման կանոններ

### 1. Ընդհանուր դրույթներ

Սույն կանոններով հստակեցվում են «Global Atomic Quiz» միջազգային կրթական նախագծի (այսուհետ՝ Նախագիծ) անցկացման կարգն ու ժամկետները, ներառյալ՝ Նախագծին մասնակցելու կանոններն ու Նախագծի արդյունքների ամփոփման կարգը: Նախագծի նպատակը միջուկային ֆիզիկայի հիմունքների մասին գիտելիքների հանրայնացումն է, ատոմային տեխնոլոգիաների ոլորտում համաշխարհային վերջին նվաճումների և խաղաղ նպատակներով դրանց կիրառման առավելությունների մասին միջազգային լսարանին իրազեկելը:

Նախագծի թիրախային լսարանը (այսուհետ՝ Մասնակիցներ) լայն միջազգային լսարանն է, մասնավորապես անձինք աշխարհի ցանկացած երկրից, որոնք համապատասխանում են սույն կանոնների պահանջներին ու հետևում են դրանց:

Նախագծին մասնակցելով, Մասնակիցները լիովին համաձայնում են սույն կանոններին (այսուհետ՝ Կանոններ):

Նախագիծը կանոնակարգվում է սույն Կանոններով, ոչ կոմերցիոն կրթական միջոցառում է, չի հանդիսանում գովազդային խթանող միջոցառում և վիճակախաղ:

### Ընդհանուր տեղեկություններ

1.1. Անվանում՝ «Global Atomic Quiz» միջազգային կրթական նախագիծ

1.2. Նախագծի անցկացման վայր՝ աշխարհի բոլոր երկրներն՝ առանց սահմանափակումների:

1.3. Նախագծի կազմակերպիչն է ատոմային էներգիայի գծով տեղեկատվության զարգացման կենտրոնների՝ «Ապագայի էներգիա» (Ապագայի էներգիա ԻՈՒԱԿ) ՀՎՀ 7726385219, ԳՊԾ 772601001, իրավաբանական հասցե՝ 117105 ՌԴ, ք. Մոսկվա, Վարշավյան մայրուղի, շ. 3 հասցեում (այսուհետ՝ Կազմակերպիչ):

1.4. Նախագծի իրականացման ժամկետ

1.4.1. Նախագծի իրականացման ընդհանուր ժամկետ-2023 թ.–ի նոյեմբերի 10-ից մինչև հաղթողներին Մրցանակների հանձնումը, սակայն, ոչ ուշ քան 2023 թ.–ի դեկտեմբերի 31-ը: Նախագծի իրականացման ընդհանուր ժամկետը ներառում է այն ժամանակահատվածը, որի ընթացքում Նախագծի մասնակիցներն իրականացնում են գործողություններ, որոնք անհրաժեշտ են Նախագծին մասնակցելու համար, ժամանակ, որը անհրաժեշտ է Կազմակերպիչին՝ որոշելու Նախագծի հաղթողներին, ինչպես նաև ժամանակ՝ Նախագծի արդյունքներով, Կազմակերպչի կողմից հաղթողներին մրցանակ շնորհելու համար:

1.4.2. Նախագծի հիմնական մասի անցկացման ժամանակահատված-միջուկային ֆիզիկայի հիմունքների և ատոմային բնագավառի համաշխարհային նվաճումների գիտելիքների հիման վրա անցկացվող գիտահանրամատչելի վիկտորինայի առաջադրանքների կատարում (այսուհետ՝ Վիկտորինա)-2023թ.–ի նոյեմբերի 10-ին 00 ժամ 00 րոպե 00 վայրկյանից մինչև 2023թ.–ի նոյեմբերի 10-ի ժամը 23-ը 59 րոպե 29 վայրկյան (Մասնակցի ժամանման վայրի տեղական ժամանակով):

1.4.3. Նախագծի արդյունքների ամփոփման ու հաղթողների անունների հրապարակման ժամանակահատված-մինչև 2023թ.–ի նոյեմբերի 17-ը ներառյալ:

1.4.4. Նախագծին մասնակցելու արդյունքներով հաղթողներին մրցանակներ հանձնելու ժամանակահատված՝ 2023թ.–ի նոյեմբերի 30-ից մինչև 2023թ.–ի դեկտեմբերի 31-ը ներառյալ գործող Կանոնների համաձայն:

1.4.5. Մրցանակների հանձնման կոնկրետ ժամկետները կորոշվեն ավելի ուշ, ինչի մասին Նախագծի Կազմակերպիչները Մասնակիցներին կձանուցեն լրացուցիչ:

1.4.6. 1.4.3. – 1.4.5. կետերում նշված ժամկետները կարող են փոփոխվել՝ Նախագծի Կազմակերպիչների հայեցողությամբ:

1.4.7. Կազմակերպիչից անկախ պատճառներով հաղթողներին մրցանակների հանձնման անհնարինության դեպքում (այդ թվում՝ բայց չսահմանափակվելով անհաղթահարելի ուժի, բնական աղետների, միջազգային փոստային առաքումների սահմանափակումների և արգելքների հանգամանքներով), Նախագծի Մասնակիցները կտեղեկացվեն այդ մասին լրացուցիչ: Տվյալ դեպքում Կազմակերպիչն իրավասու է իր հայեցողությամբ չեղարկել մրցանակների հանձնումը կամ՝ փոփոխել դրանք հանձնելու ժամկետները:

1.5. Նախագծի Մասնակիցներին տեղեկացնելու ձևերը Նախագծի Կանոնների, անցկացման ժամկետների և արդյունքների մասին Մասնակիցները կտեղեկացվեն համացանցի միջոցով՝ [quiz.atomforyou.com](http://quiz.atomforyou.com) կայքում, ներառյալ՝ դրա բոլոր լեզուներով (այսուհետ՝ Կայք)

1.6. Մասնակիցների և/կամ նրանց ծնողների/օրինական ներկայացուցիչների հետ առաջնային հաղորդակցությունը, այդ թվում տվյալների ստուգումը, իրականացվում է միայն Նախագծի էլ.հասցեի միջոցով՝ [info@atomforyou.com](mailto:info@atomforyou.com)

## **2. Մասնակիցները և Նախագծին մասնակցելու պայմանները**

2.1. Նախագծի մրցութային հատվածի Մասնակիցներ կարող են լինել աշխարհի ցանկացած երկրի ֆիզիկական անձինք, ովքեր լրացրել են գրանցման հայտը և տվել են Նախագծի կայքում անձնական տվյալների մշակման համաձայնություն: Մնացած բոլոր մասնակիցներն առանց սահմանափակումների կարող են առանց գրանցվելու մասնակցել Նախագծին, սակայն չեն դիտվի որպես մրցութային մասնակից:

2.2. Նախագծի անչափահաս մասնակիցները, ովքեր գործող օրենսդրության պահանջի ուժով չեն կարող ինքնուրույն գործողություններ անել՝ սույն պայմաններով նախատեսված, կատարում են դրանք իրենց ծնողների (կամ օրինական ներկայացուցիչների) և/կամ նրանց օգնությամբ:

2.2.1. Նախագծի անչափահաս մասնակիցները ինքնուրույն պարտավորություններ են կրում իրենց ծնողներին (օրինական ներկայացուցիչներին) ծանոթացնել սույն Կանոններին ու ստանալ իրենց ծնողների (օրինական ներկայացուցիչների) համաձայնությունը, այդ թվում՝ Նախագծին մասնակցելու համար:

2.3. Նախագծի մրցութային մասին չեն կարող մասնակցել

– Կազմակերպչի աշխատակիցները, ինչպես նաև անձինք, որոնք ներկայացնում են Կազմակերպչի շահերը, ինչպես նաև նրանց ընտանիքի անդամները

– Երրորդ անձանց աշխատակիցներն ու ներկայացուցիչները, որոնք պայմանագրային հարաբերություններ ունեն Կազմակերպչի հետ, ինչպես նաև կապված են կազմակերպության և/կամ Նախագծի անցկացման հետ, ինչպես նաև նրանց ընտանիքի անդամները:

– «Ռոսատոմ» պետկորպորացիայի ձեռնարկությունների աշխատակիցներն ու ներկայացուցիչները:

2.4. Նախագծի Մասնակիցները, մասնավորապես, իրավունք ունեն Նախագծի մասին տեղեկություններ ստանալ՝ համաձայն սույն Կանոնների

2.5. Նախագծի մասնակիցների պարտավորությունները

– պահպանել Նախագծի Կանոնները դրա անցկացման ժամանակ

– Նախագծի Կանոնների համաձայն՝ Կազմակերպչին ներկայացնել իր մասին հավաստի տեղեկատվություն

– այլ պարտավորություններ, որոնք նախատեսված են սույն Կանոններով

## **3. Նախագծի մրցութային մասնակցելու կարգը: Նախագծի հաղթողներին որոշելը**

- 3.1. Նախագծի մրցութային մասի ամփոփումամբ կորոշվեն Հաղթողները, ովքեր, համաձայն Նախագծի Կանոնների՝ Կազմակերպչի կողմից կատանան մրցանակներ (այսուհետ՝ Մրցանակներ)
- 3.2. Նախագծի մրցութային հատվածին մասնակցելու համար Մասնակիցը պետք է Կայքում լրացնի գրանցման հայտը:
- 3.2.1. Կայքում գրանցվելը պահանջում է, որպեսզի հավկնորդն իր մասին ներկայացնի հետևյալ տեղեկությունները՝ գրանցման համապատասխան հայտը լրացնելու միջոցով:
- Ազգանուն, Անուն
  - Ծննդյան տարեթիվ
  - Էլ.փոստի հասցե
  - Բնակության երկիրը
  - Նախագծին մասնակցելու և անձնական տվյալների մշակման մասին նշում
  - Անչափահաս Մասնակիցների համար՝ ծնողի/օրինական ներկայացուցչի կողմից Նախագծին մասնակցելու համաձայնություն և ծնողի/օրինական ներկայացուցչի կողմից անձնական տվյալների մշակման համաձայնություն
- 3.2.2. Կազմակերպիչն իրավասու է մերժել այն Մասնակիցների մասնակցությունը մրցութային մասին, որոնց գրանցման հայտերը չեն լրացվել պատշաճ կարգով (մուտք է արվել թերի կամ սխալ տեղեկություն): Գրանցվելուց հետո Մասնակիցը հնարավորություն չի ունենա փոխել էլ.փոստի հասցեն, որը նշել է Կայքում՝ գրանցվելու ժամանակ:
- 3.3. Հաղթողների որոշումն իրականացվում է հետևյալ կարգով
- 3.3.1. Գրանցված Մասնակիցները պետք է կատարեն միջուկային ֆիզիկայի հիմունքների և ատոմային բնագավառի համաշխարհային նվաճումների գիտելիքների հիման վրա անցկացվող գիտահանրամատչելի վիկտորինայի առաջադրանքները:
- 3.3.1.1. Վիկտորինան անցկացվում է Համացանցում՝ [quiz.atomforyou.com](http://quiz.atomforyou.com) կայքում, ներառյալ՝ դրա բոլոր լեզուներով
- 3.3.1.2. Վիկտորինան կազմված է ատոմային թեմատիկայի տարբեր բարդության 20 հարցերից, որոնց Մասնակիցը պետք է պատասխանի՝ համակարգի առաջարկած հարցերից ընտրելով ճիշտ պատասխանը:
- 3.3.1.3. Մասնակիցը Վիկտորինայի հարցերին կարող է պատասխանել միայն մեկ անգամ: Վիկտորինային մի քանի անգամ մասնակցելու դեպքում՝ Մասնակիցները չեն դիտվի մրցույթի շրջանակում:
- 3.3.1.4. Մասնակիցը հաջորդ հարցին կարող է անցնել միայն նախորդին պատասխանելու դեպքում:
- 3.3.1.5. Վիկտորինայի յուրաքանչյուր առաջադրանքին պատասխանելու ժամանակը կհաշվարկվի ժամանակաչափով: Բոլոր առաջադրանքների կատարման արագությունը հաշվի կառնվի Մասնակցի ամփոփիչ միավորներում՝ Հաղթողների վարկանիշը կազմելու ժամանակ:
- 3.3.1.6. Ծիշտ պատասխանների քանակի և Վիկտորինան անցնելու արագության հիման վրա ավտոմատ կերպով ձևավորվում է Հաղթողների վարկանիշը: Որքան բարձր միավորներ է ստացել Մասնակիցը, այնքան բարձր է նրա դիքորը վարկանիշային աղյուսակում:
- 3.3.2. Մասնակցի ամփոփիչ միավորը ձևավորվում է հետևյալ բաղադրիչներից
- 3.3.2.1. Բաժիններից յուրաքանչյուրում ճիշտ պատասխանների քանակը տարբեր կշիռ ունի՝ «Ծի՞շտ, թե՞ սխալ» բաժինը: - 1 միավոր յուրաքանչյուր ճիշտ պատասխանի համար; «Ձեր տարբերակը» բաժինը – 1 միավոր յուրաքանչյուր ճիշտ պատասխանի համար; «Հերթականությամբ» բաժինը – 1 միավոր մեկ համընկման համար, 2 միավոր՝ երկու համընկման համար, 4 միավոր՝ չորս համընկման համար:

3.3.2.2. Մասնակցի ամփոփիչ հաշվարկում լրացուցիչ միավորի համար հաշվի է առնվում Վիկտորինայի առաջադրանքների կատարման արագությունը: Յուրաքանչյուր հարցի համար կիրառվում է ժամանակավոր գործակից, որը հաշվարկում է յուրաքանչյուր հարցին պատասխանելու արագությունը:

3.3.2.3. Որքան շատ է միավորների վերջնական գումարը՝ այնքան բարձր է դիրքը Մասնակիցների վարկանիշային աղյուսակում:

3.3.2.4. Մի քանի մասնակիցների շրջանում միավորների հավասարության դեպքում ավելի բարձր տեղ գրաված է համարվում այն Մասնակիցը, որը ամենաարագն է կատարել վիկտորինայի առաջադրանքները:

3.3.3. Նախագծի Հաղթողների հաստատում

3.3.3.1. Հաղթողների աշխարհագրական հավասարակշռված ներկայացվածությունն ապահովելու համար, մինչև 2023 թվականի նոյեմբերի 16-ը, Կազմակերպիչը կորոշի Վիկտորինայի 100 հաղթողների՝ ելնելով եզրափակչի մասնակիցների վարկանիշից՝ Կազմակերպչի կողմից սահմանված երկրի/տարածաշրջանային քվոտայի համաձայն: Երկրի/տարածաշրջանի քվոտան որոշվում է Կազմակերպչի կողմից Ծրագրի ավարտից հետո՝ մասնակիցների երկրների կամ տարածաշրջանների ընդհանուր կազմի համամասնությամբ:

3.3.3.2. Կազմակերպիչն էլ.փոստով կապվում է Հաղթողների հետ՝ ստուգելու համար Մասնակիցներին ներկայացված պահանջների և գրանցման ժամանակ նրանց տվյալների համապատասխանելիությունը: Այդ ժամանակ Կազմակերպիչը Հաղթողներից պահանջում է Նախագծի էլ.փոստին ուղարկել բնակության գործող հասցեն (երկիր, քաղաք, փողոց, շենք, մասնաշենք, բնակարան, փոստային ինդեքս), ինչպես նաև՝ կոնտակտային հեռախոսահամար՝ Մրցանակներ ստանալը կազմակերպելու համար:

3.3.3.3. Եթե հաղթողը չի պատասխանում Կազմակերպչին ծանուցումը ստանալուց հետո 4 (չորս) օրացույցային օրերի ընթացքում, և/կամ Կազմակերպչի մոտ առաջանում են հիմնավոր կասկածներ՝ կապված տվյալների գրանցման ժամանակ Մասնակցի տվյալների համապատասխանելիության հետ, այդ թվում՝ բայց չսահմանափակվելով, եթե էլ.փոստը չի համապատասխանում գրանցման ժամանակ նշվածին, կամ Մասնակիցը խեղաթյուրել է անձնական տվյալները, գրանցվել է մտացածին և/կամ ուրիշի ԱԱՀ-ով, ապա՝ տվյալ Հաղթողի մրցանակը չեղյալ կհայտարարվի, և Կազմակերպիչն իրավասու կլինի ընտրել մեկ այլ հաղթողի՝ համապատասխան վերը նշված ընթացակարգի:

#### **4. Մրցանակներ՝ Նախագծի Մասնակիցներին**

4.1. Նախագծի իրականացման արդյունքներով, բոլոր Մասնակիցները, որոնք գրանցվել են Նախագծին մասնակցելու համար, Նախագծի Կազմակերպչի կողմից կստանան անվանական էլեկտրոնային վկայականներ: Մասնակիցները, որոնք մասնակցել են Նախագծին առանց գրանցվելու՝ կստանան ոչ անվանական վկայականներ:

4.2. Նախագծի մրցութային մասի Հաղթողներ կարող են դառնալ առավելագույն քանակով միավորներ հավաքած 100-ից ոչ ավելի Մասնակիցներ:

4.3. Ծրագրի մրցակցային մասի հաղթողները ստանում են մրցանակ Նվերների հավաքածուի տեսքով, որը բաղկացած է թեմատիկ ապրանքներից՝ սվիթչոթ՝ ատոմների տեսքով հինգ ասեղնագործված կաշուն պիտակներով և շոփեր-պայուսակ (այսուհետ՝ Մրցանակ):

4.3.1. 1.4.2. կետում նշված ժամկետի ավարտից հետո, 30 օրվա ընթացքում Կազմակերպիչը Մասնակցի էլ.փոստին ուղարկում է նամակ, որում նշում է Մրցանակը ստանալու կարգը և այն ստանալու համար անհրաժեշտ տեղեկությունների, փաստաթղթերի ցանկը:

4.3.2. Մրցանակների հանձնումն իրականացվում է Հաղթողների տրամադրած էլ.փոստի միջոցով և/կամ անձամբ նրանց հանձնելու միջոցով: Յուրաքանչյուր դեպքում Կազմակերպիչն է իրավասու որոշել Մրցանակը հանձնելու ձևը, ինչի մասին Հաղթողները կձանուցվեն Մրցանակի հանձնման շրջանակում: Փոստային առաքման դեպքում Կազմակերպիչը պատասխանատվություն չի կրում Մրցանակը վերջնական ստացողին հասցնող տրանսպորտային ընկերության համար: Ծանրոցի կորստի դեպքում Մասնակիցն իրավունք չունի պահանջել որևէ փոխհատուցում՝ կապված Նախագծին մասնակցելու հետ:

4.4. Կազմակերպիչը պատասխանատվություն չի կրում Մրցանակը ստանալու համար որևէ երկրի օրենսդրությամբ նախատեսված, հնարավոր հարկեր ու տուրքեր վճարելու համար: Հարկեր և տուրքեր վճարելու բոլոր պարտավորությունները կրում է Մրցանակը ստացողը:

## **5. Եզրափակիչ դրույթներ**

5.1. Բոլոր վեճերն ու տարաձայնությունները, որոնք առաջանում են կապված Նախագծի կազմակերպման և անցկացման հետ՝ ենթակա են լուծման բանակցությունների ճանապարհով: Բանակցությունների ճանապարհով չկարգավորված վիճելի հարցերը ենթակա են լուծման Կազմակերպիչի գտնվելու վայրի դատարանում՝ Ռուսաստանի Դաշնության նյութական և Դատավարական իրավունքին համապատասխան:

5.2. Նախագծին մասնակցելուն ուղղված փաստաթղթերը ստանալու համար, Սույն Կանոններով նախատեսված բոլոր գործողությունների իրականացման ծախսերը Մասնակիցները, ծնողները և/կամ օրինական ներկայացուցիչները անում են ինքնուրույն:

5.3. Բոլոր ձեռագիր փաստաթղթերը պետք է գրված լինեն ընթեռնելի և հստակ: Սկան արված և լուսապատճենված տարբերակները պետք է լինեն ամբողջությամբ ընթեռնելի, հակառակ դեպքում՝ Կազմակերպիչն իրավունք ունի համարել դրանք ոչ պատշաճ:

5.4. Կազմակերպիչը անկախ պատճառներով, նախատեսված ժամկետներում Մրցանակների փոխանցման անհնարինության դեպքում՝ Կազմակերպիչն իր հայեցողությամբ իրավասու է չեղարկել կամ փոխել առաքման ժամկետները: Այդ դեպքում Մասնակիցը իրավունք չունի պահանջել որևէ փոխհատուցում՝ կապված Նախագծին մասնակցելու հետ:

5.5. Նախագծի անցկացման համար, ծրագրի շրջանակում ցանկացած գործողություն կատարելու նպատակով Կազմակերպիչն իրավասու է ներգրավել երրորդ անձանց: